

幸魯盛典

卷二十九 卷三十



幸魯盛典卷二十九

幸魯頌

有序

日講官起居注翰林院編修

臣陳元龍

歲當甲子會合貞元六寓昇平八埏底定

皇上睿周四海念切羣生迺於是歲之冬肇舉時巡之

典燔柴肆覲名山增日觀之輝省斂採風蒨屋散

春臺之澤

恩膏斯溥典禮用成

法駕南還星旄北指歷奎婁之野近聖人之居

皇上雅尚崇儒虛懷重道高山儼在仰止惟殷駕言徂



東爰至於魯

鸞旂風動烟嵐繚繞於綢杠

羽蓋香浮草木葳蕤於繡紱面洙負泗素王闡道之
區鳳翥麟遊先聖發祥之地越舍郊而齊宿始有
事於質明入歸德之門闕宮伊邇瞻大成之廟靈
殿歸然

一人肅穆以天行百辟森環而星從禮隆釋菜兩楹供
芹藻之馨樂奏迎神六合備宮懸之曲因師而屈
修降拜於壇墀爲道而恭攝衣裳於階陛觀山河
之異彩恍覲音容接堯禹之天姿如親揖讓於是

過燕申之室登詩禮之堂劍佩鳧趨章縫鱗次臯
比獨設具講席之隆儀緇帙初陳發韋編之大義
遂乃傳觀舊蹟歷覽遺蹤硯几斑駁車琴制古雷
尊犧象縱橫禮樂之藏漆簡竹書隱約金絲之奏
杏壇遺樹曲欄空文螭之華檜植餘根左紐作青
銅之色觀川波逝尚立空亭習射圃荒猶留故井
天語諮詢者屢矣

皇情眷戀者久之已而沂沂水之陽問昌平之墓鳥禽
知敬望綵旆而高飛荆棘避訶近雕輪而欲却樹
封四尺見堂斧之崇高昭穆三壇表神靈之莫麗

尋設祠而展謁更

駐輦以徘徊尋先賢築室之場惟捫古楮問昔后停車之地更讀殘碑遂廼旋轡郊原

回鑾上序

天顏霽懌

睿藻紛披四韻鏗鏘琢玉追金之句數行璀璨銀鈎鐵畫之書方誇

宸翰之頒更荷

殊恩之賜曲莖羽葆分仙仗於中階文綺金貂賁溫綸於甲第土田加錫租賦頻蠲辟雍施帳而傳經譽

髦彈冠而結綬

異數均沾乎四氏

隆恩旁及於諸姬且也銀榜高懸

御墨煥虬螭之彩貞珉載勒

天章鑄鼎鳳之文頡字龍盤羲圖馬負永作中天之旦彌增秋日之輝信其偉而復乎盛矣粵稽史籍代有褒崇不乏美談迄多遺議漢高親祀安事詩書光武駕臨時崇識緯開元有詣宅之祭道舉貽譏祥符留駐蹕之亭天書獲誚儀文備矣實效闕焉惟我

皇極經世一
卷二十九
三
皇上狗齊天縱不恃生知遜志敏求惟勤好古研索闡
圖疇之秘表章傳述作之心

聖學精矣珮戈初偃木鐸彌宣返華靡於樸淳却登封
而謙讓操觚童子知斥異端挾冊小儒能啜雜霸
聖治洽矣寤寐性天依晰仁義陶鑄百王之禮樂紹接
千聖之心源聞見相承後先同揆

聖功懋矣而且日昃不遑望道未見欽聖枉七駟之駕

隆師屈

萬乘之尊仰倣維殷觀宮牆而如遇步趨罔間接薪火
以相傳固已親炙其精微豈特暫窺夫堂與况復

發

天葩之藻河洛遜其苞符揚奎壁之華星雲資其紉縵
尤足甄謨陶典駕古鑠今洵開闢之鴻庥皇王之
極軌也臣菰蘆下走弁陋鄙儒忻

盛典之遭逢光榮莫竝壯斯文之炳蔚統緒常新蠡
測管窺竊自愧於濡毫之列衢歌戶頌不敢後於
含氣之儔謹拜手稽首而獻頌曰

於皇我

后建極用中文謨武烈景鑠有融至治烝洽九域旣同
匪功是伐惟道斯崇其道維何生民之始列聖相

承幾希而已王風寢熄微言中圯天拯頹綱篤生
夫子奎婁之精海岱之靈迺傳一貫迺定六經身雖
潛晦吾道則明皇王萬世是憲是程

帝念尼山精微之府企懷聖風表厥疆土洙泗一區靈
光終古

駕方東巡爰稅於魯防山匪高誕聖則尊沂水匪深毓
粹則神鸞旂泃泃玉車麟麟百辟咸從瞻望清塵
闕宮巍峩天地同壽我

皇至止言獻其芻登降益虔循牆而走豈曰爲恭隆師
惟厚隆禮惟何言登其堂諸生濟濟說經琅琅吞

訪遺蹟故府所藏有服有器有圖有章爰有靈柯
先聖所植摩挲文理緬懷手澤鬱鬱松楸陟彼林
域神風肅然

駐輦憩息典禮旣崇恩膏斯被

帝錫上公土田每每繡衣赤舄貂冠文綺洽我宗支遂
及四氏倬彼雲日敷藻自

天煌煌謨訓有光熊然旣追旣琢琬琰是鑄屹立階城
炳煥萬年聖道明明長夜方旦我

皇體之秋陽彌燦百家騰躍風雨散渙大義昭揭如濯
江漢惟

皇備道參貳兩儀駕姚軼姒追軒躡羲刪述而後統在
聞知此心此理默契者微若火與薪相遇斯接若
水與乳注投斯合入室優然胖蠻如答端拜一堂
後先合轍雖有象魏不如鼓鐘雖有郵傳不如德
風依仁蹈義四方景從教思用溥文治彌隆濟水
洋洋泰宇嶽嶽俎豆常馨宮牆儼若化協珠囊道
隆木鐸漸被奕禩頌聲是作

聖駕幸闕里賦

并序

翰

林

院

編

修

臣

黃夢麟

恭惟

皇上

德乘乾曜

仁稟地靈

景麗祥雲彩拂軒轅紫蓋

圖開旦日音揮虞舜薰絃丕哉

神聖之姿與窮六籍允矣

帝王之學道貫一中莫寶錄於清寧垂拱二十三載告

成功於天地度越七十二家五玉時巡四靈應瑞
肆登山而觀海流峙合乎高深洵玉振以金聲條
理集乎終始瞻言東國鬱彼尼山草木生輝紺碧
偏迎雉扇關河壯色雲霞故繞

龍驂肅萬姓之觀瞻

天顏有喜揚千秋之俎豆

聖域維新竊聞魯頌聿興史克猶宣其懿晉雍大啓
王眞實逞其辭凡屬侍從之臣率致媚茲之誼况
以

太平聖主

駐警蹕以鏘鏘

一統興朝濟冠裳而穆穆

皇于時邁民用見休

帝庸作歌士知烝教湛恩畢被元氣常調私自媿於臯
賡無能揆藻或託言於李賦敢學抽思小
臣謹拜
手稽首而獻賦曰

誕

聖曆之當陽方甲子之乘令披輿圖而建中旋斗杓以
齊政沂河洛之淵源灼日月之衡鏡山嶽效其靈
祥海波旭其澄映濮鉛祝栗跨浮爾雅之編析支

扶桑旅合山經之費自生民來未有斯盛迺居高
而善下每謙尊而愈撝績左圖與右史載殷銘與
周規拱默思乎至道恭已正乎無爲咨彼
素王之位永維帝者之師麟文降於五老日角參夫
二儀晝萬古之長夜鑄五百之昌期刊禮樂而垂
架敦詩書而指迷樹四維於寰壤放百家之支離
盼楹堦其未遠緬羹牆其在茲爾乃

宣太常

召典謁萬騎從千官列建朱纛之穆纒泣
翠華之崑岫南浮江瀆而百谷朝宗東指云亭而羣

山拱笏父老扶杖以聚觀士民舉手而加額望我
后其來蘇胥會同之有釋時則黃鐘應律玉琯回陽

龍旂電閃

鳳輦雲翔鞠陵清蹕羲和麗光觀瀾泗水之澳考德
昌平之鄉上公擁其魚佩多士肅其鴈行紛此臣
庶儼若堵牆霽

天和其粹藹煥衮衣而喬皇於是百司虔衆典萃八簋
舒芬四璉濯器犧象陳尊釧羹染翠牲牢協乎三
犧鬱鬯調於五齊

天子齊宿行宮潔蠲膚志望櫛星而

輦降陟奎文而

趾賁熊羆朱虎踴躍以趨墀風牧常鴻濟蹯而奉幣
道從拾級智崇效天拜紉

九旒禮卑法地聲容選和崇牙設肆兩階干羽抑揚
來鳳之儀九奏韶英振響鈞天之製彩眉垺頂近
卽形容鳳峙龍蹲式承車笥貌同寢廟之觀禮得
郊丘之次上儀告徹甲帳停騶嵩呼遶幄扈從鳴

球開

講筵之玉潔朗音節之虹流三綱總其條貫八卦理
其剛柔直探珠於驪海真得窟於冥揆仰

宸聰之注聽覃鋪對之閔休

天子曰都余其思沃聖真神游理軸乃令褒成侍從魯
生前躅旋發

龍行縱舒

天目周數仞之宮牆撫孤幹之奇木文磨屢代之碑器
檢重茵之積覩遺像之森嚴竚

皇衷之邃穆跋寢殿之層階涖大成之廣屋齋

宸翰兮輝煌展綈緗兮芬馥師表推尊琬琰蜚縹鳳騰
日下翅艷左盤龍奮雲衢鱗紋右蹙凌蒼史而上
游走鍾王而下伏聳雕甍而壯觀燦崇櫺而互矚

曲蓋懸庭黃離映煜悅魏闕以爭輝渾合宮其竝
臺爾迺玉墀迴武贊殿遙臨碣蟠螭而飛動文撰
蚪以晶瑩摩挲曳其奔電討鑿明於曙星

諏過庭之芳躅

聆經壁之徽型疏壁水而枯潤漱綺井以霞生天函
光而欲笑雲擁幄以如帡遂開寶軸

特賁瑤瓊發宮商之逸響憂金石以成聲

製賦則卿雲爛熳

歌詩則寶鼎崢嶸光耀離奇駕軼禹謨堯典琳琅綵
績鋪張周頌商銘信超今以邁古喜

君拜而臣賡於是

駕飛虬馳鳴翺曦赫揚旌飛廉吹檜萬姓雲屯五陵
星會洙水停軒墓門卻蓋端手率乎羣公馨苾虔
夫三酌顧楷木而辨羣芳掬冰臺而占五泰荆茅
自剪未勞張伯之除芳草辭彫不羨康成之帶石
儀森立邀清盼以留連文豹隱姿迎芳塵而變鸞
爾乃

朱轂輶

鴻恩漫有號斯渙若露方溥解金貂之外潤美粹腋之
中單龍文煥其霞綺寶鏹蔚其星寒旣類族以

昇寵復因材而錫肇家有藏書之賜人沾復賦之寬五
姓則齊暄冬日舉邑則盡載春盤

天子方顧瞻乎矍圃徘徊乎杏壇問石龕於五父記雉
門於兩觀陟高山兮仰止美逝水兮滌瀾

特眷言於拭几曾不忍乎

迴鑾懷至人之符夢思姬相之建官臚祀典兮

申命紹承休兮履端蓋惟

先聖崛起後王是則學開三堂訓盡九國薪傳詩禮
之庭富有道德之域是以軒輶凜於著存藻冕修
其祇翼饗室聞乎朱儀守戶傳於漢式然或備物

則常鮮質時紉則難舉豐欣逢

聖代祇直堯封正學崇乎四術巨典盛乎三雍奕奕崆
峒之駕離離在鎬之鐘指南之車兮絕徼金貝之
譯兮來重疇不列膠宮之子弟襲上庠之雍容爾
惟師尹順成海宇無事戶登滋水之區物蘊華胥
之意稽古禮文恢皇

聖制升靈臺而望雲開明堂而坐治聽華封之三多鞏
皇圖於萬禩

子一人學其學心其心景行在望而未嘗一造其里於
典缺如爰勤

鑾輅瞻魯邦而戾止焉是日也城郭歡迎山川開霽
天文重麗地軸若回乃屈

九五之尊降

輦入門攝衣下拜樂舞備陳牢醴豐潔旋

御講堂命諸生鼓篋陳書解說大義園橋觀聽全若

堵牆已而

移蹕聖林顧瞻松檜經石壇及昔賢築室處僂如見
聞於是

特灑宸翰爲萬世師表四大字揭之殿楹繼之以詩歌
天章雲篆巍然煥然禮成加

賜孔氏五經博士二人恩賚各有差越二年復

御製孔廟碑文自爲書礪西山之珉輦致杏壇下凡宣
聖泉林遺蹟皆爲碣以表之皇哉自古崇儒重道
之典無以加矣臣惟書曰天佑下民作之君作之

師大學之教自格物致知誠意正心修身而推之

及於治國平天下內聖外王未有不出於一者也

顧自昔帝王旣以身兼君師之任矣猶不自滿假

隆重師儒以助流政教而且以風天下之人若崆

峒之勤蒲衣之拜丹書之受洪範之訪豈不焜燿
史冊所屈者在一身而所伸者在千秋萬世哉後
世不知此義故孔子雖聖而當時君公無能尊顯
之惟漢高過魯祀一太牢詔諸侯王卿相至郡先
廟謁而後從政先儒以爲漢氏四百年基業蓋在
於此晉唐以下祇循舊典雖文宣有加諡之冊大
成有追封之詔然未有如我

皇上見聖之真味道之切弘文異數度越百王如斯舉
者夫由孔子而上以帝王爲師君與師合者也由
孔子而下以匹夫爲師君與師分者也道統遞沿

而下其勢必還天生我

皇上以繼二帝三王精一執中之統而合君師之大成

夫豈偶然哉小

臣遭逢

聖明雖雕朽莫贊而寸草有心謹拜手稽首而獻頌曰
太極細縉道源始判聖聖相承同條共貫維姬旣
東蔓草斯歎不有尼山長夜孰旦剛定贊修日星
雲漢位則人臣百王是冠峩峩闕里聖人所宮講
壇肅穆廟貌穹窿漢牢唐奠其典則崇遙遙間代
志趣未同祀柱下宅拜河上公金人結夢瑤母厘
躬學雜二氏有聖莫宗瞻尼望魯疇來自東於爍

我

皇視道如咫堯羹舜牆左圖右史藻斧六經清和萬理
尼山在心猶勤

玉趾柴岱觀河雷行風靡

豹尾黏天

龍旂拂水徂徠猶青鳧嶧乍紫孔思方興魯邦爰底

五老迎

鑿二龍承

旨松檜忽春低枝藉履降

輦入門肅肅以止樂舞備陳牢醴盡侈俎列雲雷尊

排山壘穆穆商彝沉沉周錡濟濟冠裳環階夾祀
再拜升堂爲道屈已還看兩楹依依昔時壁啓靈
光堂隱金絲顏曾劔佩堯禹鬚眉麟書烏瑞紅杏
緇帷甕經漢發硯載隋遺履灰猶焰檜幹潛滋百
靈奔湊莫不獻奇里果何闕文實在茲祀旣成
講堂爰

御博士橫經諸生展疏鵠立鳧趨恭聞

天語充宗奪氣戴憑失據三千莫贊七十非助車服具

陳禮器咸覩橋門隘觀解頤張坎

皇心未已載瞻聖林蹕亭縹緲輦路陰森鈞衣鮮棘巢

幸會盛典 卷二十九
樹無禽緬彼良木景茲高岑石壇流憩想像益深
治民垂教異代同心白兔起舞赤虹下臨有楷自
昔有廬至今魚躍鳶飛

皇心蚤契

天葩所流遂成巨製猗蘭生香龜山掃翳墨海更開飛
白以繼師表特崇永茲萬世翥鳳翔鸞烟霏露綴
從臣橋舌但有旁睨碧落高標星辰拱衛煌煌懋

典奕奕

恩綸漢置百石宋賜出身以方今日夫豈其倫家宗濂
洛人識關閩帶經脫劔郁郁彬彬珠囊玉鏡洛貝

河鱗天不愛道地不藏珍登世三古綿曆億春小
臣作頌實愧樓塵

甲子冬日

上躬祀闕里復

親詣孔林恭紀

翰林院編修臣汪灝

大道崇

元后斯文重素王三吳廻

御轡千里望宮牆地溯仙源遠雲橫泰岱長

翠華明晚照

陛楯動朝霜

蹕駐尼山煥旌臨闕里光明禋虔釋奠瞻拜肅登堂

特勅尊師禮居歆明德香春秋心在望禮樂器還藏

御蓋留

殊錫

宸章示表揚徘徊宮殿外指顧寢園旁撫檜思親植觀
川悟在梁楷林邀盼跡著徑被輝煌古井探沉碧
霜松賞鬱蒼

皇情真悅懌

睿藻更飛翔咳唾傾珠玉鏗鏘叶羽商一時成鉅典萬
古振宏綱廟貌幾千載登封惟九皇杏壇常寂寂
泗水自湯湯不有

天章燦誰令聖道彰右文稱上治永卜

帝圖昌

晦藹山岷田叟咸得迎觀

清光懽忭率舞於道旣詣闕里

皇帝將有事於廟堂望見櫺星門卽下輦行衍聖公孔毓圻等伏地叩頭云

天子禮不當如是固請升輦不許遂步入大成殿瞻

先師像容下拜行釋奠禮豆籩靜嘉樽酒旨潔薦裸

降登卽事益虔祀畢

御詩禮堂命聖裔進講稱善

賜官博士

皇帝以聖道至大莫可名言敬題萬世師表四字以垂

示永永

親灑宸翰銀鈎爛然又製五言詩書賜毓圻撤

鹵簿中御蓋俾藏諸廟儼翼嚴尊歷代罕覲仍步出

廟門門外故有井汲水親嘗見羹牆也泮池欲涸

命工疏之樂芹藻也旋

駕更幸聖林祇拜如詣廟時維草則著維木則楷離奇

葱蒨撫之掇之留憩彌久會周公裔孫東野沛然

援四氏例請加封爵

制曰可

皇帝於孔氏旣崇其先厥後宜賚

三會盛典 卷二十九
特賜衍聖公及博士裘各一襲諸子姓白金各五兩盡
復曲阜一歲田租於是東魯父老覩斯盛者莫不
欣踴歎嗟僉稱

聖天子重道崇師推恩及物曠古未有此治與道偕隆
君與師兼作蓋非孔氏一家之私榮直邦家之慶而史
冊之光也毓圻等次第其事編輯

幸魯盛典書成

臣

元正遭逢

聖世父子咸沐

鴻恩竝列禁近

臣

父倬又嘗承乏西畿習覩

皇上尊師重道之盛遂不自揣其詞之猥瑣而系之以

頌曰

於燦景運元會維新黃鐘迴律

大輅東巡瞻言泰岱孕靈降神揭揭

宣尼秉道師尊廟貌闕里星拱北辰

止輦升堂

睿容肅溫

至尊北面而拜哲人釋奠有恪潔芼繁蘋璇題藻句皆

探本真

聖克知聖匪直以文遂灑

宸墨爛若星雲詣謁林墓徒御星奔靈著歲蕤古楷輪

菌撫茲卉植手澤未湮崇祀弘澤延及後昆蠲租
賜復式道推仁周魯故國姬宗麟振予以世秩實
創厥

恩舉其大者卓於千春士走相告幸邁休明

聖作於上愚敢不承敷於四海至治烝烝式昭盛典萬

禋準繩

幸魯盛典卷二十九終

幸魯盛典卷三十

聖駕幸闕里恭紀

翰林院編修臣陳遷鶴

鳳輦東臨泗水濱千年禮樂應時新未誇我武功堪

獻祇為斯文道在人統際上元

皇甲子秩隆泰岱

帝初春靈臺太史占星象喜報奎婁映

紫宸

其二

數仞宮牆

御幄披登歌列俎展隆儀遙知楹奠宗子日絕勝牢
祠過魯時逸典深微存活水

天文爛熳賁枯枝

皇朝典禮光前古正合麟鳳啓

聖期

聖駕幸闕里頌

有序

翰林

院

編

修

臣

李殿邦

皇上下聖馭宇承

祖宗累葉休烈嗣丕丕曆服海內冠帶之民徼外荒裔之

族咸共覆載

盛德大業光被宇宙方之三五不是過也仰惟

皇上生狗齊長敦敏當

冲齡踐祚時卽懋

聖學誦宣聖所修述刪贊書緝熙罔間作聖之基肇於

此矣廿餘年來無宵旦寒燠樂此不倦剖析太極

洞徹先後天理數日尋孔顏所樂何事五經四書
有講義矣諸史丹鉛通鑑有斷矣鑒古有輯覽淵
鑒有哀錄矣方輿有志會典有書矣法戒典訓有
紀矣勝國史有成帙矣煌煌

聖製昭日星而爛雲漢自古文章之盛道德之華曷以
加焉先是逆藩跋扈

天怒赫然取渠魁殲滅之

廟算無遺策數稔之間中外晏如韜弓矢而舞干羽制
禮作樂所在聞弦誦聲於是倣古巡狩禮也康熙
二十三年歲在甲子一元復始

皇上東巡問民疾苦

駐蹕孔里

幸至聖先師廟庭備牢醴奏鈞天

九拜行釋奠禮爲道屈也旋

命諸生進講經義旁求四氏裔爵賞之仍

謁孔林觀石壇撫端木所築廬低徊流連心焉若契
乃發

聖蘊煥

天章題萬世師表懸之複製賦成詩異藻續紛與玉書
經傳後先掩映一時從官皆欣喜忭躍信斯道有

光而東國人士父老扶杖來觀者環橋門肩相摩
擊也踰年又

御製孔廟碑文表彰聖緒垂之貞珉自開闢以來崇儒
重道莫有若斯盛者昔漢高帝過魯以太牢祀孔
子明帝臨雍拜五更三老宋藝祖贊孔顏當時後
世猶艷稱之而况我

皇上聰明天縱合符比德惟聖知聖者乎頌聲之洋溢
誠不能自己也夫生當

堯舜之世親沐雅化而不能扞揚

聖治耻莫大焉且備員詞林操觚染翰亦臣職分也謹

拜手稽首而爲之頌曰

鳧嶧崇隆洙泗長道繼衰周誕素王易贊書刪詩
禮彰春秋之作振王綱孝經論語講學詳七十二
賢列門牆聖人之後達者昌車服禮器何輝煌誦
法折衷歷漢唐閱宋逮明至

今皇膺圖臨馭訖八荒沐仁浴義民和康澹然淳悶物
相忘卿雲醴泉降衆祥闕逢困敦歲豐穰

東巡先登闕里堂寧神稽拜和且莊六佾軒縣盛鏗
鏘講經博士弟子行爵賚聖裔有餘慶

聖心洪闡爲文章元氣作軸運陰陽雕龍繡虎刻宮商

堯典舜典乃可方撫摩古檜攄琳瑯楫幹著莖氣
芬芳精光布獲昌平鄉如圖如洛尼山傍
屈躬崇道敘彝常排老驅釋立大防斯道中天日月
光凡有氣血靡不覆羣工百爾矢賡颺千禩萬祀
永無疆

聖駕幸魯恭紀二十韻

翰林院編修臣甯世簪

平成時際泰封澹

德成乾道在尊師表居看近聖賢龜蒙雲鬣翬洙泗水
潺湲

帝運圖疇契

臨雍玉帛虔豹竿風動處鳳吹日華邊石闕儀容備
宮牆典祀專室琴存太古庭檜識長年星炯藏書
內龍翔駐蹕前肅瞻烟漠漠靜聽鼓鼙鷲鷲序登
歌秩駕行率舞聯

翠華留曲蓋

宸翰燦宮箋夏鼎商盤篆黃琮蒼璧鐫銀鈎題處濕珠
勝看來鮮六藝笙簧奏諸經鼓吹宣禮皆從敬始
樂總爲和縣衍道探河洛微言闡澗瀍文明宣宛
委造化合璣璿棧樸菁莪地卿雲湛露天纂修垂
盛事歌頌載新篇徒沐

恩如海慚無筆似椽

聖駕幸闕里頌

有序

翰林

院

檢

討臣

金德嘉

欽惟我

皇上運啓文思道隆濬哲禹疇羲畫先後同符武烈文
謨經緯共貫覆載所極雲漢爲章是以

巡狩岱宗瞻言闕里

六龍靄集霞葳蕤以建旂萬象景從雲縹緲而張蓋贊
牲采之班者瀕海之域千里受鬯卣之賜者生民
以來一人陟降肅雍金石絲竹之奏宮庭璀璨春
秋易象之書拊舞杏壇濟濟簪纓之博士嵩呼閣

道亭亭帶礪之上公是日天宇融和

皇情豫悅用羹牆二帝之心遙通祖述以範圍百代之
學遐契儒宗猗歟煌哉休茲盛矣昔漢高過魯祀
以太牢唐帝崇儒加之王爵猶且焜耀簡編傳聞
奕禩若乃放勳光被煥乎堯文六藝表章爛然魯
壁於斯爲盛莫之與京臣恩叨侍從喜切瞻依典
禮維新宮牆自古文在茲而未艾道歷久而彌光
增益

高深懋剛健粹精之學緝熙

上理開蕩平正直之途徽猷冠乎古今典則垂於天

壤而珥筆固陋紀述未遑非所以昭盛美揚景風
也臣謹拜手稽首獻頌曰

皇帝御極德洋化溥雨潤日暄敷天率土東西朔南同
文壹矩欵關獻琛重譯致語車闐槐市肩摩石鼓
帝坐明堂曰若稽古巡省方嶽時邁東魯巍巍岱宗滂
沆歛吐鍾祥毓靈洙泗之滸二儀網緼三辰樞紐
水精素王篤生亶厚唐虞夏商遠宗近守贊修刪
定除榛蕪腐六經昭垂地維天柱業邁伊周道同
堯禹秩秩廟庭恢恢壇宇

鑿輅式臨隆儀肇舉備漢牲牢兼唐佾舞肅肅雝雝

登降拜俯大哉乾元

龍飛九五寤寐宮牆寅恭篚簋顧瞻左右彬彬廊廡鏗鏘融諸笙磬祝啟聖道中天日正當午魯壁橫經博士訓詁明目達聰翕受俯取如天覆露鴻鱗纖羽如地持載澤珠山瑀容若太倉罔遺區釜沛若洪河勿擇激浦四姓苗裔章縫珪組磅礴沾溉便蕃賚子

尚方芝蓋留廕廟戶傳示來茲與球共伍疊疊

御製義圖範譜煌煌

宸翰龍翔鳳翥垂諸金石閣亭鉅礎日星照臨海嶽涵

負

皇帝聖神寰寓安堵百神懷柔呈符貢祐湛恩汪濊誕被陵藪蠲所過租老嬉穉哺自古在昔屬車行部刻玉河漚披圖洛渚

皇帝曰咨予臨天下欽若昊天爲生民主重道崇儒修文偃武冶鑄八荒甄陶九有

皇帝建極天錫純嘏文明廣運與天齊壽小臣魯鈍備員藝圃橐筆嗽詩敢告冊府

聖駕幸魯恭紀二十四韻

翰林院檢討臣潘麒生

至德體天地斯文冠後先累朝尊莫竝

當代禮尤全翠嶂廻

金輅朱旗繞玉泉軒裳擁道左

袞冕拜階前降

輦趨函丈登歌列豆籩千秋隆保傅九叩獨齋虔

臨幸寧常數精誠儼事天環橋觀聽集侍講與微宣鈞

履垂周製尊壘紀漢年遺容欽仰止陵墓倍依然

檜老含春露槐疎拂樹烟叢著何鬱鬱花草自芊

芊覽物今猶古游心往復還

睿思川上湧

宸翰杏壇懸旭耀光璀璨雲鋪勢蜿蜒租蠲民盡復典

曠舉無偏夙願東周切崇祠上相專報功惟尚德

翼聖賴諸賢默識開心學聞知得妙詮宋儒貽蔭

遠孔祀受

恩綿共戴

皇仁大羣沾教澤鮮

君師洵合撰精一果心傳幸紀新元會不書舊簡編清

時逢

聖泰珥筆獻詩篇

聖駕臨幸闕里恭紀二十韻

翰林

院檢

討臣吳苑

龍旂翔斗北

鳳輦駕山東海嶽千年會車書萬國同卿雲環

帳殿爽籟發

行宮日觀層霄外尼山灑氣中杏壇花爛熳闕里樹

青葱鳩鷺森多士貂蟬萃上公

臨雍儀竝肅釋奠禮尤崇入室瞻遺器園橋展

聖躬宮牆還穆穆琴瑟尚泯泯古物逢

皇覽方言達

三會公典 卷三十一

三會公典 卷三十一

七

帝聰縹囊晨燦綠椽燭夜增紅講易三陽泰賡歌二典
隆經帷當玉藻藝圃映璇穹

大賚章縫洽

殊恩組綬蒙堯文輝魯壁舜樂鼓齊風洙泗

宸章潤林亭

御碣礪河圖呈景運雅頌奏神功精一心源接修和治
理融康衢聞擊壤閣道聽呼嵩簪筆詞臣職颺言

贊化工

幸魯紀盛詩

翰林院檢討臣王思軾

萬禩尼山地千秋泗水鄉卿雲迎

玉輦甘露湧瓊漿盛典

皇心肅時巡

帝馭良珪璋呈禮殿俎豆列烝嘗陟降威儀穆尊崇道
德彰陵開旂日月廟展珮鏗鏘檜影暉羲畫麟書
映舜裳杏壇紅燭繞魯壁赤龍翔蠹日垂

華蓋凌霄翥

鳳章陳牲歌律呂釋奠悟羹牆雅樂虞韶舞官儀漢奉

幸會盛典 卷三十一
常上公殊

寵錫四姓凜趨踰

賚子駢蕃出簪裾次第行橫經同璧水鼓篋儼膠庠
稽古桓榮貴承家戴聖長羽林窺汗簡虎旅襲縹
囊敷教陳三極同文徧八荒道原通覆載治欲躋
軒皇協氣橋門外和風

輦路傍小臣恭獻頌橐筆侍明光

皇上駕幸闕里恭紀四首

翰林院檢討臣孫勳

重道多傳

涖辟雍杏壇幾見禮儒宗浮雲淨現千山月深夜長
鳴萬石鐘崇號僅聞唐代冊豐碑徒記漢時封今
朝

玉輦遙臨處應看靈著吐錦茸

其二

萬仞宮牆啓秘扃

宸儀肅穆拜中庭影搖碧落霓旌燦瑞滿黃圖檜樹青

玉韻五言歌鳳德珠光四顆壓鸞經欣瞻
君道兼師道多士園橋藉寵靈

其三

釋奠初成化澤長庭前草木遍含香風雲環拱巖
天仗舄履星陳集講堂資格不須詢聖裔歡呼齊慶仰
龍光卿雲此日凝華蓋五色氤氳覆苑牆

其四

岱嶽名山奠大東昌平韋布配崇穹地盤充鎮寔
區小道問尼山迹象空纔向天門凌碧漢旋來闕
里肅高風虛慚珥筆隨文苑奏賦甘泉愧未工

駕幸闕里恭紀

翰林院檢

討臣梅之珩

寔宇崇文治精微契

聖衷尼山宗脈在泗水溯源通

警蹕巡齊甸

鳴鑾戾魯宮拜瞻勞

萬乘奔走肅羣工釋奠蘋蘩潔明禋俎豆豐標題揮

御藻講義啓

宸聰後嗣承

恩遍儒林服教同詩書增氣色鐘鼓發鴻蒙太極乾坤

三會盛典 卷三十一
剖天經日月中漢牢慚不腆唐祀豈加崇扶杖咸
觀禮端圭盡省躬麟蹤堪再覓鳳德豈終窮肆祀
儀初畢

巡遊意轉融檜枝當砌古杏葉拂壇紅

輦過荆榛闢旗翻鳥蹟空壁書尋故址絢履問遺風
製賦鏗金石鐫碑起曠聾衆星旋共北千派總朝東

今古心常合

君師道竝隆普天敷化雨奚事訪崆峒

聖駕幸魯恭頌

翰林院檢討臣劉坤

仙仗臨鄆邑瑤籟晉孔墀青雲迎

輦轂蒼玉轉階螭事紀春王筆遊同夏禹詩

鴻文圭璧重

寶翰日星垂直邁唐宗句還凌漢代碑萬年銘自此三
統盛於茲鉅典寧無述儒臣各有司

臨雍聊作頌慙媿乏新詞

恭頌

聖駕幸魯詩八首

翰林

院

檢

討臣王之樞

治叶軒虞古天廻甲子初萬方同禮樂異俗統車書
道與乾俱健

心還谷共虛永懷先聖烈時仰素王居

其二

詔舉東巡狩千官羽衛環紫雲連泰嶽

翠輦指尼山鳳吹靈光側鸞翔泗水灣諸生齊拜舞

咫尺覲

龍顏

其三

釋奠崇

殊典齋誠式祿將盛儀光俎豆雅樂備宮商
鑿鑿金猊
篆氤氳

繡袞香豐融通肸鬩九拜荷

天王

其四

雉尾雲開扇

金輿度孔林碑荒蒼蘚合橋迴綠波沉尋脈離兼異

封阡古亘今探著還撫楮百世景行心

其五

曷罄羹牆意

天章煥陸離吟驅風雅上文萃典謨奇綴墨雲凝勝濡
毫露浥碑心源應默契惟

帝更兼師

其六

戟門留

紫蓋

御氣動儒宮儀鳳來丹穴華芝挹閭風乍添車服數

還傍冕旒崇一代看殊禮云誰萬古同

其七

爐烟裊

帝座几席講帷陳書啓東家舊經談博士新源流歸至
道雨露暢

皇仁

賜錦還加秩恩霑聖裔頻

其八

金從

中禁賜舊宅轉巍然棟起寒侵斗簷飛迴入天風雲

雕桷護丹壁綺疏穿

聖主崇儒意遙遙軼後先

皇帝駕幸闕里親祀

孔子恭頌

翰林院編修臣查嗣韓

皇帝萬年治邁虞唐泰階如砥端拱垂裳緬惟

先師澤流無疆匪遐伊邇鄒魯之鄉乃

命巡狩來觀廟堂

乘輿曉出千里輝煌

龍旂耀旭班劍攢霜嶽川煥彩卉木依光既至闕里

親詣宮牆屈

萬乘尊盥薦親將安安穆穆瞻拜肅莊爰敷

聖藻遂麗

宸章偃波垂露書軼蒼皇工乃礪石卓立中央碑鐫珉
玟鰲負螭翔榮光燭天上貫文昌崇飾廟貌卸砌
雕梁位置從祀濟濟廡廊寢林萬樹古檜蒼蒼撫
茲槎枒

賦就琳瑯祀典旣畢乃坐玉床廣布

恩綸次第宣揚曰孔氏後世守烝嘗秀昇官爵樸賚帛
振曰周元聖祠宇久荒治法道法賴厥匡襄遣肅
祀事祀事孔彰曰顏曾思入室珪璋

賜爵賜復用俾弗忘曰亞聖功媿禹迥狂

賜文賜書齊至聖行曰宋諸儒周程朱張文林龜鑑
道圖麟鳳則篤其裔綫續微茫盛禮旣備寰宇告
祥卿雲藹藹甘露瀼瀼普天率土驚喜相望粵自
元明前溯歷王亦或崇儒禮樂未遑亦云典學僅
拾粃糠未有

今日膏澤汪洋

曠典殊數中外胥慶奕禩垂裕化浹遐方旣付史臣
銘之太常小臣珥筆敬效賡颺

聖駕臨幸闕里釋奠禮成隨謁

孔林恭紀二十韻

翰林

院編

修臣王奕清

帝舉時巡典禮嚴禋祀行事天勤翠葆崇道轉霓旌候
值緹灰動春從

輦轂生郊原欣有色仗衛肅無聲門禁傳來

旨市人喜不驚質明修肸鬻入廟潔粢盛登降逾前代

賡歌備兩楹奉璋終灌鬯擁席更談經往蹟頻

垂問古壇屬繞行

法書留碣表

御蓋錫宗祊

輦指東郊路林瞻北郭瑩兒童齊拊舞草木盡忻榮拜
跪儀重展醴醕酌更盈低徊吾道意顧盼哲人情
錫賚蕃孫子謨謀勉國楨

予官推舊裔

賜復及編氓紹述須齊聖感孚惟至誠臣民占解澤德
位仰離明雲日添晴朗風光解送迎小臣慚獻

帝德本難名

幸魯盛典卷三十終



